



又一期

轉眼間又一期新會刊，今期多了一個新環節就是書本介紹，希望大家會喜歡。另外，會刊很歡迎大家投搞，大家有什麼想說就寫給我們吧！

最後多謝一班青獅提供內容及相片，謝謝！

出版組
Roy
Clark

書本介紹

今之同大家介紹既書名為<逃出生天：危難應變秘笈>，作者係書中分享很多係危急關頭既時候應該注意的事項與及可行的求生辦法，雖然我地青獅都好少有冒險既旅程，不過正所謂天有不測之風雲，大家知多一些危難應變既事都係冇壞既，以下我選左一段同大家分享下。



如果大家不幸係水中被鯊魚或鱷魚攻擊，同佢鬥快游水係冇可能既事，因為你係唔可能快過佢地既，係無可奈何既情況下，反擊佢地可能會救你一命，反擊可以另佢地知道你有反擊既能力，咁就有可能會放棄你呢件獵物，佢地係唔會因為你唔反抗而放過你既。至於反擊就要打佢地最弱既地方，鯊魚就打眼、鰓及鼻，鱷魚就打鼻尖，咁佢地可能會因為痛而打退堂鼓。

如果大家有興趣，可以同我聯絡借閱。

撰文：伍尚駒青獅

書名：GOOD LUCK：當幸運來敲門
作者：費南多·德里亞斯迪貝斯·明格、亞歷士·羅維拉·塞瑪/著
譯者：范媛
出版日期：2004年08月30日



撮要：

第1條

運氣不會持有太久，
因為它並不屬於你，
幸運由個人所創造，
因此能歷久而不衰。

第2條

眾心皆期盼能擁有幸運，
但下定決心努力追求的人，
卻寥寥可數。

第3條

如果你時運不濟，
或許是因為環境一成不變的緣故。
若想要幸運臨門，
最有效的辦法俟是創造新環境。

第4條

準備適合幸運降臨的環境，
不能只顧一己的私利。
創造環境，與他人共享共贏
才能帶來幸運。

第5條

若將「準備工作」留到明天，
則幸運永遠不會到來。
創造環境所跨出第一步—
就在今天！

第6條

有時看似天時地利，
但幸運卻遲遲不來。
唯有從小細節著手，
看似無關緊要之處，
才是真正關鍵因素！

第7條

對於只相信運氣的人而言，
創造環境簡直是無稽之談。
對於致力創造環境者來說，
運氣好壞，他們毫不在乎。

第8條

沒有人能夠販賣運氣。
因為幸運乃非賣品。
切勿輕信那些買賣運氣的人。

第9條

當所有的條件與環境皆已俱備，
耐性等待，絕不輕言放棄。
靜待幸運來敲門，
並且務必堅守這個信念。

第10條

創造幸運即是
將適當的環境準備妥當。
機會並非運氣好壞的關鍵，
因為機會始終存在！

撰文：許依婷青獅

青獅訪問



姓名：周思凱 (Vincent)
會中職銜：義務司庫
職業：學生
特別嗜好：抽扭蛋，睇卡通，依家d小朋友鍾意o既動畫，漫畫同game我都好清楚ga!!!所以唔會有代溝住，haha!!!
鍾意食乜：所有蜜瓜類製品（糖呢?）
最喜歡既人：所有朋友，偶像都喜歡，至於最呢……有人想知就親自黎問我la

記 = 記者(Roy)，Vincent

記：Vincent 你覺你自己係一個點樣既人

Vincent：自己覺得係一個隨和既人，唔會被人討厭(應該冇嘍)亦都好難會討厭某人，仲有就係自己會重視時間，基本上學校或朋友聚會、開會我都係頭一兩個到達，雖然知道永遠都實好多人遲，不過自己就唔會。人會不斷成長，我自己都不斷改變中，好似由靜變talkative 啦，由被動變多左主動等等。雖然暫時都覺得自己俾人感覺唔太成熟，不過知道自己會不斷進步，希望自己既values會提高d，大家對我既認同都大d。

記：入左屯門一年對呢個會有乜感覺?

Vincent：好好嘍!!!雖然有機會見識前會長 駒，Raman, Eting帶領屯門會，盈盈就睇到la(我入會時係盈盈做)，不過從其他活動睇得出各位辦事能力十分之強，真係有好多野值得我學習，當然依家會長Angel都好努力，而成個會就好團結同幫得手，睇創意思維活動就知la，所以我都好喜歡呢個會。

記：剛剛做完服務計劃 PIC 有乜感受或困難之處

Vincent：haha!!! 好開心同感動ar!!! 成個過程好鋒迴路轉，困難就當然係搵學校la，到11月頭都未有學校參加，自己都開始打定輸數唔再搵，不過突然德信學校打黎報名，士氣即刻番晒黎，之後兩日不斷從新打電話，陸陸續續都有回音，深深感受到”萬事起頭難”，同”未到最後一刻都唔好放棄”既道理，自己以後做事都會從一而終，never give up!!! 另外就係想再一次多謝大家有份參與，出席支持呢次活動既所有人，有大家既幫忙個活動唔會成功，多謝各位!!!

記：將來理想

Vincent：Um……理想，我想創業，將來有屬於自己既事業，我相信我一定會嘗試!!! 至於係乜類型，太多諗頭lu，希望日後出黎做野會有更多靈感同埋方向先決定la。

活動消息

屯門青獅新嘗試- 手語唱

本會於九月二十五日參加了一個名為”傷健顯關懷, 平等創未來”的手語歌比賽。是次活動我們總共派出了十多名青獅參加, 我們多次練習的成果終於在那次活動全面發揮!!

我們參賽的歌曲是梁詠琪的TODAY, 我們嘗試在歌曲中加插一些溫馨的元素, 例如在歌曲中穿插一些朋友們一起閱讀和玩耍的場面, 使觀眾更能感受到我們所想表達的關懷之愛。雖然我們最後未能在比賽中得勝, 但對眾青獅來說已贏得難得的經驗。

據負責人Raman所講, 其實是次活動的目的只是想引起青獅們對手語的興趣, 他認為學習手語對我們提供服務時表達自己有裨益。當問及是次的艱難之處時, 他表示是找到共同的練習時間是最為困難, 但各人仍能在有限的時間內能學懂手語, 十分難得。

撰文: 陳冠豪青獅



好美麗的星星!
(設計對白)

10月23號 — 世界獅子服務日

顧名思義, 就是世界各地的獅子會都會在這一天的籌辦及參與社會服務。

今年, 我們中國港澳303區旗下12個分域的獅子會各自到不同的社區進行服務, 並在九龍公園設置了數十塊展板介紹獅子會的服務, 包括視覺第一中國行動、獅子會姊妹會學校計劃、愛滋病警覺、自然教育基金等。開幕典禮更邀請了近日因「人間蒸發」一劇人氣急昇的苗喬偉為主禮嘉賓之一。

小妹身為第三分組主席, 當然需要率領一眾第三分組的青獅到場協助, 由於當天亦是我們會本年度第一個服務計劃舉行的大日子, 很多會員也未能出席協助, 幸得三寶(Daisy, Julia & Vivian)、區會籍發展組主席小慧、連同10多位主會、華都及中聯葵的會員出席, 幫忙派發活動宣傳單張。當天的節目安排非常豐富, 包括多個醫學講座、大獅自彈自唱、舞蹈表演, 小妹更與多位「豬頭家族」的成員(上屆會長)一起重演手語歌「明日恩典」。另外, 會場亦設置了多個攤位提供量血壓、驗眼、測聽覺等健康測試服務, 吸引了很多長者參與。

撰文: 李盈盈青獅



忙碌了大半天, G3的青獅們圍坐一起吃飯盒, 聊聊天, 份外滋味!

最後由於版位有限故未能盡錄所有內容, 如果大家有時間請登入本會網頁 <http://hello.to/tmleoclub> 內有最新活動消息及報告, 多謝大家參閱本會刊
如果大家有料要報可以電郵給編輯部 leoreporter@ulmail.net